

## RESUME DE L' ASAMBLEA DEL PROFESORÁU D'ASTURIANU Y GALLEGO-ASTURIANO

15-XINERU-2013  
IES ARAMO D'UVIÉU

- En primer llugar dase una esplicación de cómo cola nueva redacción del anteproyectu de la reforma educativa nun tien cabida la asignatura de Llingua Asturiana. Esto supondría la desapaición del asturianu del sistema educativu.
- Infórmase de la propuesta de l'Academia de la Llingua Asturiana que consiste en facer una addenda al artículu 4<sup>u</sup> onde quede recoyía la enseñanza de les llingües non oficiales pero que tienen reconocimientu xudíricu y implantación curricular. Dende la Consejería fíxose público la intención de defender la continuidá de la presencia del asturianu.
- Depués del debate alcuérdase:
  - Aprobar una resolución de l'asamblea onde denunciemos la situación y reivindicamos la continuidá de la llingua nel sistema educativu y la oficialidá de la mesma (axúntase a esti corréu'l documentu completu)
  - Aprobar un documentu pa llevar a los claustros de los centros y a los Consejos escolares onde se manifieste l'apoyu de la Comunidá Educativa a les nuestres reivindicaciones (Tamién s'axunta)
  - Cada profe nel so aula trabayará col **alumnáu** pa qu'escriba **cartes** manifestando'l so apoyu al asturianu y pidiendo poder seguir exerciendu'l derechu a estudialu. Quedamos entregar toos xuntos estes cartes el **31 de xineru a les 17:30 de la tarde nel Rexistru Xeneral del Principáu**. Llamaráse a la prensa y pretende ser un actu reivindicativu que muestre la demanda social que dalgunos ignoren.
  - Va pidise una reunión cola Consejera d'Educación pa que nos informe sobre los resultaos de les reuniones col ministeriu. A esta reunión dirán les persones (en función de la disponibilidad) que s'apuntaron voluntaries na asamblea.
  - Otres persones comprometiéronse a trabayar nes plataformes dixitales tipu "change.org" pa pidir firmes d'apoyu y difundir la situación na rede.
  - Va consultase con "Xuristes pol Asturianu" les posibles vías xuridiques énte la contradicción de los derechos reconocíos na Llei d'usu y l'Estatutu d'Autonomía y la LOMCE.
  - Faeránse peticiones a la Defensora del Pueblu (Soledad Becerril) y a la Procuradora Xeneral del Principáu (M<sup>a</sup> Antonia Fernández Felgueroso).

- Contactarase cola Univerdidá d'Uviéu pa que tanto a nivel institucional como a nivel d'asociaciones d'estudiantes se faigan posiciones públiques sobre esti tema.
- Caún, si ta afiliáu a dalgún otru sindicatu, pedirá al mesmu que tome posición al respectu.
- Alcuérdase tamién contactar coles fuercies polítiques presentes na Xunta Xeneral pa que fagan pública la so postura sobre esti tema.
- De momentu, y esperando poder cuntar en breve con una páxina web onde centralizar tola información, ta usándose'l grupu en facebook "**Conceyu de Mayestros/es de Llingua asturiana**".